

[www.BibleForChildren.org](http://www.BibleForChildren.org)

## Mateo 8



Huada 3 bacco tadsapi Canahuaji cajicajicca ejete  
tojajaro. Canapi dsama arobeni onini Carireacca  
odsa panani. Jesocca ami naqui nani ejete qquide  
toccajaro. Jeso pohua huatimadedeni ia naqui nanidsa  
jaijedsimade. Cajicajicca ejete jinede iadsa jina nadsa  
jaijedsimajarode.



Naraha uva ppejene jicadsa Jesocca amipi: —Uva ppejene jicaha -nade Jesodsa. Naraha imenipi jijipa dsodsojodedenidsa huati tade: —Jeso tiadenidsa huati tadsapa pohua attissa tinanamanaji -nade.



Nadsapa Jeso jijipa dsodsojodedenidsa  
huati tade: —Siba ccohue todsaridsanidsa  
passo tinajiridsamanaji -nade. Nadsapi  
najarodsa passo inajiridsamanadsapi  
iponihuaaji bacco bacco teri nade. Nadsapa  
Jeso canahatori canajarijine  
passoraha uva ppejene  
inanajari.



Nadsapa Jeso: —Jari, jidapapa badsira  
taha huana ticadsanamanadsa cajicajicca  
ejete cacahuadedsa dsojo ticanamanajo,  
ecatamahijine -nade. Nadsapa uva  
ppejene huana icadsanamanadsa dsojo  
icanamanade, pina Jeso  
attissa inanamanajaro.



Nadsapa ejete cacahuadedsa da icanamanadsapa aja  
passoraha uva ppejene tojajari badsira taha ecatama  
nade. Naraha ejete  
cacahuadepa ssamo  
tadsa pohua bodi:  
—¿Nejecohuajicca uva  
ppejene? -najari.



Naraha uva ppejene dsodsojode  
pohuadenina passo ponira  
dsojo dsojo  
inanimanajarojine  
nahatoqquiri nahi.



Nadsapa ejete cacahuade aja cacajirebote  
najaridsa huati tade:—Madija huapimapa  
ejete inahatomanadsapi  
tahide uva ppejene  
bica tahiccara da da  
ihicanaridsa-baqquimana  
nanaja najari.



Madija accaramanadsana ajamani majidera tahicca da  
da ihicanaridsa-baqqumana najari -nade. —Naraha  
tiapi uva ppejene denima  
bica tahiccapa  
teccoccobaqqui,  
dsotodena da  
ticanabaqquijarirana  
-nade ejete  
cacahuade atti.





Ajijaro imapi Carireahuajicca odsa panani  
Canadsa Jeso tahidecca canahatori  
canapojari. Najaropi Jeso  
pocca deni tojehe ahuato  
inanapojaro. Nadsapi  
pohua huatimadedeni  
iapi Jesodsa pajissa  
inajarode.



Jeso Pedrocca odsahuaji  
toqquedsimadsapa Pedro  
massodini pori canani Jeso  
qqui tajari. Coma tajaró,  
huapini ppocorajaro.




Nadsapa Jeso poni dsapanidsa bara  
nadsapa huapini tonahuihui najaro.  
Nadsapi totehemadsa Jeso pocca  
mamari tabaqquma inajipabaqqijari.



Nadsapa maji tonahuidsa madija comaquiri  
najarideni, aja madija bodidenidsa Satanacca  
dodosse tocorime  
cajimanajarideni  
naco eccajonabaquijari  
nade. Nadsapa nahicca  
madija huapima  
madiridsamanajarideni  
Ssino, Adiridenicca  
odsacca  
noccobijidsa  
queriquimanajari.



Naraha Jesopa comaquiri najarideni huapima comani  
onihi onihi cajiridsamanaraha inanomibaquijari.  
Tocorime huapi taha naco dosse ininebaquijari.  
Pohuadenipa Jesodsa nahatoquiri naraha Jeso  
pohua tahimari ecomeramananijine jipera tadsapa  
didi inanabaquijari.



Madija comaqquiri najaridenipa: —Jesodsa  
idsepedsa bara inadsapi icanomirenijine  
–quinadsa pohuatohui  
disseraqqiri  
najari. Aja Jeso  
pocca dacorehe  
pohuadenidsa  
tojadsapi huapima  
tocanomireridsajari.



Nadsapa madija ide tone biqueradsa isso  
ssomi tojahipa pohua taborodsa dsojo  
icanajonamanajari. Pohua tesse ahuaji  
pama, ahuaji pama najonamanahi nade.



Naraha madija siba tadsapa  
Jeso bacco quinahijine  
pajiramana-jaradsa odsa  
tetepihuajina  
iaccamaromanajari.



Jeso huedsahi tetepidsa odsa  
icatabojidsamanajaro. Nahidsana  
madija ssomi tojahi pohua  
taborodsa poridsa  
odsa bodihuaaji tappa  
icanaronamanajari.



Jeso pohuatohui dissesera  
tahi qqui tadsapa pohua  
bodidsa nahato tajari:  
—Pajissa, Jesopa madija  
inanomihijine nahato  
tahi -quinahi Jeso  
pohuadsa ahuato  
tadsapi coma  
tajaridsa huati  
tajari: —Otesse,  
aji imasiri  
tinanajaro  
huapimapi  
onanamossini.



Jidapapi ticca ima Diodsa  
tobicani -nahi nade Jeso.  
Nadsapa madija ssomi  
tojahidsa huati tajari:  
—Tiadsa huati onadsa:  
iTitehemaji!  
iTitaboro tididsa  
ticca odsahuaji  
ticcaniji! -nahi  
nade Jeso.




Nadsapa Jeso canoadsa toqquedsadsa  
pocca mamari tabaqqui naco  
pohuadsa jai tojedsadsa  
pohuadsa jai tojajari.




Nadsapa ori toquinaraha amadsati  
jojode dacorehema ccajona, passo  
dacorehema ccajona nadsapi  
coridsa ssoda ssoda  
najarojine canoadsa  
passo ssonidsa ssonidsa  
najaro. Naraha Jesopa  
huadaja dsanapojari.



Nadsapa Jeso pohuadenidsa huati tajari:  
—¿Nejecotohui ticappinamanajaro? Tiadenipi  
ohuadsa: "Jehe, Jesopa ia tohuacahua-baqquihiijine  
pajirahi" ¿tiquinejerajarorane? -nahi  
nade. Nadsapa totehemadsa  
jojodedsa, passodsa  
huati tajari: —iEpeje  
taji! -nahi nade.



Nadsapi jojode, passo ssoda ssoda najaro naqui joma  
najaro. Joma nadsapi passo podsippanissa tajaro.  
Nadsapa pocca mamari tabaqqui  
huapima: —A čnejeco madija?  
Ajina, jojode passo ssodadani  
tadsajani pohua  
attidsa ibora taha  
-quinahi nade.



—Diopa madijadsa huati cahanari  
canahi. Pohua Bedi ojari naraha da  
inadsapa huapima pohuadsa pajissa  
quinajaridenipa tocassiejerahijine.  
Camittehe jiquejeranicca naco  
cajimana-dsanapohuijine.



### Romanodenidsa 3:23

Madija huapimapi imasiri icajiridseje najaro. Diocca deni tojehedsa iquejenanijine ipajiranissa tejerajaropaji.

### Romanodenidsa 6:23

Icca imasiri manaconipi dsoqqehe jiquejeranicca.  
Naraha Diocca danijipi camittehe jiquejeranicca.  
Ia Medsede Jesocristodsa iquejenadsapi  
Diocca daniji icajini.

### Ebreodenidsa 9:27

Madija ia naqui idsoqquenitohui. Idsoqqueraha idsoqqueni ojarinitohui. Najaro nattinipi madija huapimacca ima cattemade Dio baccohuaji idomo huadsa ia tocattejidsabaquihitohui. Pohuadsa toquejenajaridenidsa pocca biquehe da inanitohui, Pohuadsa toquejena-jarajaridenidsapi pocca najidsohue inassonarinitohui.



## Epesodenidsa 2:8,9

Abi Diopa titohuideni huati cahanari canajaria tiadeni tonassiajabacquijari. —Jesocristo pajissa itohui dsoqquejari -tiquinadsapi tiadenidsa tossiejehe inanajaro. Tijinedeni jerani. Abi Dio tohuini nadsa manaconi jirehe tiadenidsa inanajaro. Pajissa, Dio tiadeni tonassiajabacquijaripa bicaquqiri tiquinajarojine jerani. Ima bicani tinanamanajarojine jerani. Najarojine madijapa: —Bica onajarojine Dio ohua tonassiajajari -najarahitohui.



## Romanodenidsa 10:9,10

Madijadsa tecomeramanadsapi: —Jesopa ohua Medsede, occa tamine deni tojahicca -tiquinaji. Tibodidenidsa naqui: —Jeso huatiaraha Dio inahatonijaripa pajissa -tiquinadsapi ticassiejeranitohui.

Ibodi Jesocristocca imadsa pajissa inadsapi icca ima Diodsa tobicajaro. Madijadsa ecomeradsapi: —Jesopa ohua Medsede -inadsana Dio ia tonassiajajari.

## Huano 3:16,17

—Diopa madijadsa huati cahanari canahi. Pohua Bedi ojari naraha da inadsapa huapima pohuadsa pajissa quinajaridenipa tocassiejerahijine. Camittehe jiquejeranicca naco cajimana-dsanapohuijine.

Diopa Pohua Bedi madija dsahuade dosse inarona-jarajari. Madija tonassiajadera dosse inaronajari -nade.



## 1 Huano 5:11-13

Aji iadsa Dio pocca ima ecomerajaropi camittehe  
jiquejeranicca iadsa da inajaro. Najaro camittehe  
jiquejeraniccapi Dio Bedidsana anijaro.

Dio Bedidsa iquejenadsapi camittehe jiquejeranicca  
icajini. Naraha Dio Bedidsa iquejena-jeradsapi  
camittehe jiquejeranicca icappirani. —Jesopa pajissa  
Dio Bedi -tiquinajarodenidsa aijaro ima dsodo onajaro,  
camittehe jiquejeranicca ticajimanani  
nahatoqqiri tiquinanjine.



Mateo 8-9; Maraco 1-2, 4; Roca 4, 8; Huano 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Culina Bible (cul) © Wycliffe Bible Translators, Inc.  
All rights reserved.

<https://live.bible.is/bible/CULWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

